

四庫全書

集部

欽定四庫全書

集部
唐詩品彙卷十二至十五

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣愍意誠

欽定四庫全書

唐詩品彙卷十二

明 高棅 編

五言古詩十二

名家

上之
西

高適

啟璠云評事性落拓不拘小節耻與常科隱跡
博徒才名自遠然適詩文多胸臆語兼有氣骨
故朝野通尚其文唐史本傳云適年五十始
為詩即工每吟一篇好事者輒傳布嚴滄浪云

高岑之詩悲壯
讀之令人感慨

宋中五首

梁王昔全盛
賓客復多才
悠悠一千年
陳迹唯高臺
寂寞向秋草
悲風千里來

朝臨孟諸上
忽見芒碭間
赤帝終已矣
白雲長不還
時清更何有
禾黍徧空山

景公德何廣
臨變莫能欺
三請皆不忍
妖星終自移
君心本如此
天道豈無知

梁苑白日暮梁山秋草時君王不可見修竹令人悲九
月桑葉盡寒風鳴樹枝

登高臨舊國懷古對窮秋落日鴻鴈度寒城砧杵愁昔
賢不復有行矣莫淹留

薊門三首

邊城十一月雨雪亂霏霏元戎號令嚴人馬亦輕肥羌
胡無盡日征戰幾時歸

幽州多騎射結髮重橫行一朝事將軍出入有聲名紛

紛獵秋草相向角弓鳴

黯黯長城外日沒更煙塵胡騎雖憑陵漢兵不顧身古
樹滿空塞黃雲愁殺人

東平路作

清曠涼夜月徘徊孤客舟渺然風波上獨夢前山秋秋
至復搖落空令行者愁

登壠

壠頭遠行客壠上分流水流水無盡期行人未云已淺

才登一命孤劍通萬里豈不思故鄉從來感知已

鉅鹿贈李少府

李侯雖薄宦時譽何籍籍駿馬常借人黃金每留客投
壺華館靜縱酒涼風夕即此遇神仙吾忻知損益

送韓九

惆悵別離日喪徊岐路前歸人望獨樹匹馬聞秋蟬常
與天下士許君兄弟賢良時正可用行矣莫徒然

別耿都尉

四十能學劍時人無此心如何耿夫子感激投知音
翩白馬來二月青草深別易小千里興酣傾百金

別張少府

歸客留不住朝雲縱復橫馬頭向春草斗柄臨高城嗟
我久離別羨君看弟兄歸心更難道回首一傷情

自淇涉黃河途中作五首

川上常極目世情今已閒去帆帶落日征路隨長山親
友若雲霄可望不可攀於茲任所愜浩蕩風波間

清晨汎中流羽族滿汀渚黃鵠何處來昂藏寡儔侶飛
鳴無人見飲啄豈得所雲漢爾固知胡為不輕舉
野人頭盡白與我忽相訪手持青竹竿日暮淇水上雖
老美容色雖貧亦閒放釣魚三十年中心無所向
南登滑臺上却望河淇間行樹夾流水孤城對遠山念
茲川路濶美爾沙鷗間長想別離處猶無音信還
東入黃河水茫茫汎紆直北望太行山峨峨半天色山
河相映帶深淺未可測自昔有賢才相逢不相識

登子賤琴堂賦詩三首

并序

甲申歲適登子賤琴堂賦詩三首首章懷宓公之
德千祀不朽次章美太守李公能嗣子賤之政再
造琴堂末章多邑宰崔公能思子賤之理

首章

宓子昔為政鳴琴登此臺琴和人亦閑千載稱其才臨
眺忽懷愴人琴安在哉悠悠此天壤唯有頌聲來

次章

邦伯感遺事慨然建琴堂乃知靜者心千載猶相望入
室想其人出門何茫茫唯見白雲合東臨鄒魯鄉

末章

皤皤邑中老自誇邑中理何必升君堂然後知君美開
門無犬吠早卧常晏起昔人不忍欺今我還復爾

寄孟五

秋風落窮巷離憂兼暮蟬後時已如此高興亦徒然知
君念淹泊憶我屢周旋征路見來鴈歸人悲遠天平生

感千里相望在貞堅

登百大峯二首

朝登百丈峯遙望燕支道漢壘青冥間胡天白如掃憶
昔霍將軍連年北征討匈奴終不滅寒山徒草草唯有
鴻鴈飛令人傷懷抱

晉武輕後事惠皇終已昏豺狼塞澠洛胡羯爭乾坤四
海如鼎沸五原徒自尊而今白庭路猶對青陽門朝市
不足問君臣隨草根

薊中作

一作送
兵選作

策馬自沙漠長驅登塞垣邊城何蕭條白日黃雲昏一
到征戰處每愁胡虜翻豈無安邊書諸將已承恩惆悵
孫吳事歸來獨閉門

酬司空璩

飄飄未得意感激與誰論昨日遇夫子乃欣吾道存江
上滿詞賦札翰起涼溫吾見風雅作人知德業尊驚飈
蕩萬木秋氣屯高原燕趙何蒼茫鴻鴈來翩翻此時與

君別握手欲無言

同韓四薛三東亭翫月

邃遊悵不樂茲賞吾道存歎曲故人意辛勤清夜言東
亭何寥寥佳境無朝昏堦墀近洲渚戶牖當郊原矧乃
窮周旋况復怡討論樹陰蕩瑤瑟月氣延清樽明河帶
飛鴈野火連荒村對此更愁予悠哉懷故園

宋中遇劉書記有別

何代無秀士高門生此才森然覩毛髮若見河山來幾

載困常調一朝時運催白身謁明主待詔登雲臺相逢
梁宋間與我醉蒿萊寒楚渺千里雪天晝不開末路終
別離不能強悲哀男兒爭富貴勸爾莫遲迴

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜作感
物我心勞涼風驚二毛池空菡萏死月出梧桐高如何
異鄉縣復得交才彥汨沒嗟後時蹉跎耻相見箕山別
來久魏闕誰不戀獨有江海心悠然未嘗倦

別王徹

歸客自南楚，悵然思北林。
蕭條秋風暮，迴首江淮深。
留連愁作歡，或為梁甫吟。
時輩想鵬舉，他人嗟陸沉。
載酒登平臺，贈君千里心。
浮雲暗長路，落日有歸禽。
離別未足悲，辛勤當自任。
吾知十年後，季子多黃金。

嚴滄浪云：古人贈送多相勉之辭。如蘇子卿云：願君崇令德。李少卿云：努力崇明德。劉公幹云：勉哉修令德。杜子美君若登台輔，臨危莫愛身。往往是此意。如高適：夫吾知十年後，季子多黃金。蓋金多何足道，又甚於以名期人者。此達夫偶然漏逗處也。

自淇涉黃河途中作

秋日登滑臺臺高秋已暮獨行既未愜懷土悵無趣晉
宋何蕭條羌胡散馳驚當時無戰畧此地即邊戍兵革
徒自勤山河孰云固乘閒喜臨眺感物傷遊寓惆悵落
日前飄飄遠帆處北風吹萬里南鴈不知數歸意方浩
然雪沙更迴互

贈別沈四逸士

沈侯未可測其況信浮沈十載常獨坐幾人知此心乘

舟蹈滄海買劍投黃金世務不足煩有田西山岑我來
遇知已遂得開清襟何意閭閻間沛然江海深疾風掃
秋樹牖上多鳴砧耿耿尊酒前聯鴈飛愁音平生重離
別感激對孤琴

連上別王秀才

飄飄經遠道客思滿窮秋浩蕩對長連君行殊未休崎
嶇山海側想像無前儔何意照乘珠忽然欲暗投東路
方蕭條楚歌復悲愁暮帆使人感去鳥兼離憂行矣當

自愛壯年莫悠悠予亦從此辭異鄉難久留贈言豈終
極慎勿滯滄洲

同諸公登慈恩寺塔

香界泯羣有浮圖豈諸相登臨駭孤高披拂忻大壯言
是羽翼生迥出虛空上頓疑身世別乃覺形神王宮闕
皆戶前山河盡簷向秋風昨夜至秦塞多清曠千里何
蒼蒼五陵鬱相望盛時慚阮步末官知周防輸效獨無
因斯焉可遊放

同羣公秋登琴臺

古跡使人感琴臺空寂寥靜然顧遺塵千載如昨朝臨
眺自茲始羣賢久相邀德與形神高孰知天地遙四時
何倏忽六月鳴秋蛩萬象歸白帝平川橫赤霄猶是對
夏伏幾時有涼飈燕雀滿簷楹鴻鵠搏扶搖物性各自
得我心在漁樵兀然還復醉尚握樽中瓢

同羣公出獵海上

畋獵自古昔况伊心賞俱偶與羣公遊曠然出平蕪層

陰漲溟海殺氣窮幽都鷹隼何翩翩馳聚相傳呼豺狼
竄榛莽麋鹿罹難虞高鳥下駢弓困獸鬪匹夫塵驚大
澤晦火燎深林枯失之有餘恨獲者無全軀咄彼工拙
間恨非指蹤徒猶懷老氏訓感歎此歡娛

過冲和先生

冲和生何代或謂遊東溟三命謁金殿一年拜銀青自
云多方術往往通神靈萬乘親問道六宮無敢聽昔去
限霄漢今來覩儀形頭戴鵷鳥冠手搖白鶴翎終日飲

醇酒不醉復不醒猶憶鷄鳴山每誦西昇經拊背念離
別依然出戶庭莫見今如此曾為一客星

同薛司直諸公秋霽曲江俯見南山作

南山鬱初霽曲江湛不流若臨瑤池間想望崑崙丘連
首見黛色渺然波上秋深沈俯崢嶸清淺延阻修連潭
萬木影挿岸千巖幽杳藹信難測淵淪無暗投片雲對
漁父獨鳥隨虛舟我心寄青霞世事慚白鷗得意在乘
興忘懷非外求良辰自多暇忻與數子遊

奉和儲光義

天靜終南高俯映江水明有若蓬萊下淺深見澄瀛羣
峯縣中流石壁如瑤瓊魚龍隱蒼翠鳥獸游清冷孤蒲
林下秋薜荔波中輕山菱浴蘭沚水若居雲屏嵐氣浮
渚宮孤光隨曜靈陰陰豫章館宛宛百花亭大君及羣
臣燕樂方嚶鳴吾黨二三子茲辰怡性情逍遙滄洲時
廼在長安城

觀李九少府翫樹宓子賤神祠碑

吾友吏茲邑亦嘗懷必公安知夢寐間忽與精靈通一
見興永歎再來激深衷賓從何逶迤二十四老翁於焉
見層碑突兀長林東作者無愧色行人感遺風坐令高
岸盡獨對秋山空片石勿謂輕斯言固難窮龍盤色絲
外鵲顧偃波中形勝駐羣目堅貞指蒼穹我非王仲宣
去矣徒發蒙

哭單父梁九少府治

開篋淚沾臆見君前日書夜臺今寂寞猶是子雲居疇

昔貪靈竒登臨賦山水同舟南浦下望月西江裏契闊
多別離綢繆到生死九原即何處萬事皆如此晉山徒
峨峨斯人已冥冥常時祿且薄歿後家復貧妻子在遠
道弟兄無一人十上多苦辛一官常自哂青雲將可致
白日忽先盡唯有身後名空留無遠近

宋中遇林慮楊十七山人因而有別

昔余涉漳水驅車行鄴西遙見林慮山蒼蒼憂天倪
邂逅爾曹說君彼巖栖蘿逕垂野蔓石房倚雲梯秋韭

何青青藥苗數百畦栗林隘谷口枯樹森迴谿耕耘有
山田紡績有山妻人生苟如此何必組與珪誰謂遠相
訪曩情殊不迷簷前舉醇醪竈下烹隻雞朔風忽振蕩
昨夜寒螿啼遊子益思歸罷琴傷解携出門盡原野白
日黯已低始驚道路難終念言笑睽因聲謝岑壑歲暮
一攀躋

睢陽酬別暢大判官

吾友遇知己策名逢聖朝高才擅白雪逸翰懷青霄承

詔選嘉賓慨然即馳軺清晝下公館尺書忽相邀留歡
惜別離畢景駐行鑣言及沙漠事益令胡馬驕丈夫拔
東蕃聲冠霍嫖姚兜鍪衝矢石鐵甲生風飈諸將出井
陘連營濟石橋酋豪盡俘馘子弟輸征徭邊庭絕刁斗
戰地成漁樵榆闕夜不扃塞口長蕭蕭降胡滿薊門一
一能射鵬軍中多燕樂馬上何輕趫戎狄本無厭羈縻
非一朝饑附誠足用飽飛安可招李牧制脩藍遺風豈
寂寥君還謝幕府慎勿輕芻蕘

欽定四庫全書

卷十二

李雲南征蠻詩

并序

天寶十一載有詔伐西南夷右相楊公兼節制之
寄乃奏前雲南太守李宓涉海自交趾擊之道路
險艱往復數萬里蓋百王所未通也十二載四月
至於長安君子是以知廟堂使能而李公効節適
忝斯人之舊因賦是詩

聖人赫斯怒詔伐西南戎肅穆廟堂上深沈節制雄遂
令感激士得建非常功料死不料敵顧恩寧顧終鼓行

天海外轉戰蠻夷中梯巖近高鳥穿林經毒蟲鬼門無
歸客北戶多南風蜂蠆隔萬里雲雷隨九攻長驅大浪
破急擊羣山空餽道忽已遠縣軍垂欲窮精誠動白日
憤薄連蒼穹野食掘田鼠脯餐兼餗僅收兵列亭堠拓
地彌西東臨事耻苟免履危能飭躬將星獨照耀邊色
何溟濛瀘水夜可涉交州今始通歸來長安道名見甘
泉宮廉藺若未死孫吳知暗同相逢論意氣慷慨謝深
衷

岑參

唐杜子美常薦參於朝表云岑參識度清遠議論雅正佳名早上時輩所仰又詩云岑生多新詩性亦嗜醇酎又云高岑殊緩步沈鮑得同行蓋參與子美非薄交也其詩實為少陵所稱許殷璠云參詩語奇體俊意亦造奇至如長風吹白茅野火燒枯桑可謂逸才又山風吹空林颯颯如有人宜稱幽致也京兆林確序畧云南陽岑公早歲孤貧能自砥厲徧覽史籍尤工綴文屬辭尚清用志尚切其有所得多入佳境迫援孤秀出於常情每一篇絕筆則人人傳寫雖閭里士庶戎夷蠻貊莫不吟習焉後之詞人有所觀覽亦由聆廣樂者識清商之韻遊名山者仰翠微之色是以瑩徹心府發揮高致焉

司馬相如琴堂

相如琴臺古人去臺亦空臺上寒蕭瑟至今多悲風荒
臺漢時月色與舊時同

先主武侯廟

先主與武侯相逢雲雷際感通君臣分義激魚水契遺
廟空蕭然英靈貫千歲

昇仙橋

長橋題柱去猶是未達時及乘駟馬車却從橋上歸名

共東流水滔滔無盡期

古興

獨鶴唳江月孤帆凌楚雲
秋風冷蕭瑟蘆荻花紛紛
忽思湘川老欲訪雲中君
麒麟息非鳴愁見豺虎羣

送杜佐下第歸陸渾別業

正月今欲半陸渾花未開
出關見青草春色正東來
夫子且歸去明時方愛才
還須及秋賦莫即隱蒿萊

澧頭送蔣侯

君住澧水北我家澧水西
兩村辨喬木五里聞鳴雞
飲酒溪雨過彈碁山月低
徒開蔣生徑爾去誰相攜

精衛

負劍出北門乘桴適東溟
一鳥海上飛云是帝女靈玉
顏溺水死精衛空為名
怨積徒有志力微竟不成
西山木石盡巨壑何時平

鞏北秋興寄崔明允

白露披梧桐玄蟬晝夜號
秋風萬里動日暮黃雲高
君

子佐休明小人事蓬蒿所適在魚鳥焉能徇錐刀孤舟
向廣武一鳥歸成臯勝槩日相與思君心鬱陶

暮秋山行

疲馬卧長坂夕陽下通津山風吹空林颯颯如有人蒼
旻霽涼雨石路無飛塵千念集暮節萬籟悲蕭辰鷓鴣
昨夜鳴蕙草色已陳況在遠行客自然多苦辛

過緱山王處士黑石谷隱居

舊居緱山下偏識緱山雲處士久不還見雲如見君別

來逾十秋兵馬日紛紛青溪開戰場黑谷屯行軍遂今
巢由輩遠逐麋鹿羣獨有南澗水潺湲如昔聞

南池夜宿思王屋青蘿舊齋

池上卧煩暑不櫛復不巾有時清風來自謂羲皇人天
晴雲歸盡雨洗月色新公事常不閒道書日生塵早年
家王屋五別青蘿春安得還舊山東溪垂釣綸

宿華陰東郭客舍憶閭防

次舍山郭近解鞍鳴鐘時主人炊新粒行子充夜饑關

月生首陽照見華陽祠蒼茫秋山晦蕭瑟寒松悲久從
園廬別遂與朋知辭舊壑蘭杜晚歸軒今已遲

田暇歸白閣草堂

雷聲傍太白雨在八九峯東望白閣雲半入紫閣松勝
縣紛滿日衡門趣彌濃幸有數畝田得延二仲蹤早聞
達士語偶與心相通誤徇一微官還山愧塵容釣竿不
復把野碓無人齋惆悵飛鳥盡南溪聞夜鍾

終南雲際精舍尋法澄上人不遇歸高冠潭石

涼望秦嶺微雨作貽友人

昨夜雲際宿旦從西峯回不見林中僧微雨潭上來諸
峰皆晴翠秦嶺獨不開石鼓有時鳴秦王安在哉東南
雲開處突兀獼猴臺崖口懸瀑流半空白皚皚噴壁四
時雨傍村終日雷北瞻長安道日夕多塵埃若訪張仲
蔚衡門滿蒿萊

太一石鰲崖口潭舊廬招王學士

驟雨鳴浙瀝颼颼溪谷寒碧潭千餘尺下見蛟龍蟠石

門吞衆流絕岸呀層巒幽趣條萬變奇觀非一端偶逐
干祿徒十年皆小官抱板尋舊園弊廬臨迅湍君子滿
清朝小人思挂冠釀酒漉松子引泉通竹竿何必濯滄
浪不能釣嚴灘此地可遺老勸君來考槃

送李翥遊江外

相識應十載見君只一官家負祿尚薄霜降衣仍單惆
悵秋草死蕭條芳歲闌且尋滄洲路遙指吳雲端足馬
關塞遠孤舟江海寬夜眠楚煙濕曉飯湖山寒砧淨紅

鱸落袖香朱橘團帆前見禹廟枕底聞嚴灘便獲賞心
趣豈歌行路難青門須醉別少為解征鞍

登嘉州凌雲寺作

寺出飛鳥外青峯戴朱樓搏壁躋半空喜得登上頭始
知宇宙濶下看三江流天晴見峨眉如向波上浮迥曠
煙景豁陰森棕栴稠願割區中緣永從塵外遊回風吹
虎穴片雨當龍湫僧房雲濛濛夏月寒飈飈迴合俯近
郭寥落見遠舟勝槩無端倪天宮可淹留一官詎足道

欲去令人愁

與高適薛據同登慈恩寺浮圖

塔勢如湧出孤高聳天宮
登臨出世界磴道盤虛空
突兀壓神州崢嶸如鬼工
四角礙白日七層摩蒼穹
下窺指高鳥俯聽聞驚風
連山若波濤奔走似朝東
青松夾馳道宮觀何玲瓏
秋色從西來蒼然滿關中
五陵北原上萬古青濛濛
淨理了可悟勝因夙所宗
誓將挂冠去覺道資無窮

唐人倡和之詩多是感激各臻其妙如早朝大明宮杜甫云旌旗日煖龍蛇動宮殿風微燕雀高王維云九天闔闔開宮殿萬國衣冠拜冕旒岑參云花迎劍佩星初落柳拂旌旗露未乾登慈恩寺塔詩杜甫云高標跨蒼穹烈風無時休俯視同一氣焉能辨皇州高適云秋風昨夜至秦塞多清曠十里何茫茫五陵鬱相望岑參云秋色從西來蒼然滿關中五陵北原上萬古青濛濛北類甚多是皆雄渾悲壯足以凌跨百代

終南雙峰草堂

歛跡歸山田息心謝時輩晝還草堂卧但見雙峰對興來恣佳遊事愜符勝槩著書高牕下日夕見城內曩為

世人誤遂負平生愛久與林壑辭及來杉松大偶茲精
廬近數預名僧會有時逐漁樵盡日不冠帶崖口上新
月石門破蒼藹色向羣木深光搖一潭碎緬懷鄭生谷
頗憶嚴子瀨勝事猶可追斯人邈千載

緱山西峯草堂作

結廬對中嶽青翠常在門遂耽水木興盡作漁樵言頃
來闕章句但欲閒心魂日色隱空谷蟬聲喧暮村裏聞
道士語偶見清淨源隱几閑吹葉乘秋眺歸根獨遊念

求仲開徑招王孫片雨下南澗孤峰出東原
栖遲慮益淡脫畧道彌敦野藹晴拂枕客帆遙入軒
尚平今何在此意誰與論佇立雲去盡蒼蒼月開園

自潘陵尖還少室居止秋夕憑眺

草堂近少室夜靜聞風松月出潘陵尖照見十六峰
九月山葉赤溪雲淡秋容火點伊陽村煙深嵩角鐘
尚子不可見蔣生難再逢勝愜只自知佳趣為誰濃
昨詣山僧期上到天壇東向下望雷雨雲間見回龍
久與人羣

疎轉愛丘壑中秋淡水木會興幽魚鳥通稀微了自適
出處乃不同況本無官情誓將依道風

青山峽口泊舟懷狄侍御

峽口秋木壯沙邊且停橈奔濤振石壁峰勢如動搖九
月蘆花新彌令客心焦誰念在江島故人滿天朝無處
豁心胷憂來醉能消往來巴山道三見秋草凋狄生新
相知才調凌雲霄賦詩拆造化入幙生風颭把筆判甲
兵戰士不敢驕皆云梁公後遇鼎還能調一別倏經時

音塵殊寂寥何當見夫子不歎鄉關遙

東歸發捷為至泥溪舟中作

前日解侯印汎舟歸山東平旦發捷為逍遙信回風七月江水大滄波漲秋空復有峨眉僧誦經在舟中夜泊防虎豹朝行逼魚龍一道鳴迅湍兩邊走連峰猿拂岸花落鳥啼巖樹重煙藹吳楚連汴沿湖海通憶昨在西掖復曾入南宮日出朝聖人端笏陪羣公不意今棄置何由豁心胷吾當海上去且學乘槎翁

送王大昌齡赴江寧

對酒寂不語，悵然悲送君。
明時未得用，白首徒攻文。
澤國從一官，滄波幾千里。
羣公滿天闕，獨去過淮水。
舊家富春渚，嘗憶卧江樓。
自聞君欲行，頻望南徐州。
窮巷獨閉門，寒鐙靜深屋。
北風吹微雪，抱被肯同宿。
君行到京口，正是桃花時。
舟中饒孤興，湖上多新詩。
潛虬且深蟠，黃鵠飛未晚。
惜君青雲器，努力加餐飯。

送許拾遺恩歸江寧拜親

詔書下青瑣馬還吳洲束帛仍賜衣恩波漲滄流微
祿將及親向家非遠遊看君五斗米不謝萬戶侯適出
西掖垣如到南徐州歸心望海日鄉夢登江樓大江盤
金陵諸山橫石頭楓樹隱茅屋橘林繫漁舟種藥疏故
畦釣魚垂舊鉤對月京口夕觀濤海門秋天子憐諫官
論事不肯休早來丹墀下高駕無淹留

送初樂歸河東

初樂後來秀挺身出河東往年詣驪山獻賦溫泉宮天

子不召見揮鞭遂從戎前月還長安囊中金已空有時
忽乘興畫出江上峯牀頭蒼梧雲簾下天台松忽如高
堂上颯颯生清風五月火雲屯氣燒天地紅鳥且不敢
飛子行如轉蓬少華與首陽隔河勢爭雄新月河上出
清光滿闕中置酒灞亭別高歌披心胷君到故山時為
吾謝老翁

秋夕聽羅山人彈三峽流泉

皤皤岷山老抱琴鬢蒼然衫袖拂玉徽為彈三峽泉此

曲彈未半高堂如空山石林何颺颺忽在牕戶間繞指
弄鳴咽青絲激潺湲演漾怨楚雲虛徐韻秋煙疑兼陽
臺雨似雜巫山猿幽引鬼神聽淨令耳目便楚客腸欲
斷湘妃淚斑斑誰裁青桐枝繩以朱絲絃能含古人曲
遞與今人傳知音難再逢惜君方老年曲終月已落惆
悵東齋眠

號州郡齋南池幽興因與閭二侍御道別

池色淨天碧水涼雨淒淒快風從東來荷葉翻向西性

本愛魚鳥未能還巖溪中歲徇微官遂令心賞睽及茲
佐山郡不異尋幽棲小吏趨竹徑訟庭侵藥畦胡塵暗
河洛二陝震鼓輦故人佐戎軒逸翮凌雲霓行軍在函
谷兩度聞鶯啼相看紅旗下飲酒白日低聞君欲朝天
駟馬臨道嘶仰望浮與沈忽如雲與泥夜眠驛樓月曉
發關城雖惆悵西郊暮鄉書對君題

北庭贈宗學士道別

萬事不可料歎君在軍中讀書破萬卷何事來從戎會

逐李輕車西征出太蒙荷戈月窟外擐甲崑崙東兩度
皆破胡朝廷輕戰功十年抵一命萬里如飄蓬容鬢老
胡塵衣裘脫邊風忽來輪臺下相見披心胷飲酒對春
草彈棋聞夜鐘今且還龜茲臂上懸角弓平沙向旅館
匹馬隨飛鴻孤城倚大磧海氣迎邊空四月猶自寒天
山雪濛濛君有賢主將何謂泣途窮時來整六翮一舉
凌蒼穹

送顏平原

時有詔補尚書為郡守上親賦詩寵
錢加等參美顏公是行為寵別章句

天子念黎庶詔書撫諸侯仙郎授剖符華省輟分憂置
酒會前殿賜錢若山丘天章降三光聖澤該九州吾兄
鎮河朔拜命宣皇猷駟馬辭國門一星東北流夏雲照
銀印暑雨隨行轡赤筆仍在篋爐香惹衣裘此地鄰東
溟孤城弔滄洲海風掣金戟導吏呼鳴騶郊原北連燕
剗劫風未休魚鹽隘里巷桑柘盈田疇為郡豈淹旬政
成應未秋易俗去猛虎化人似馴鷗蒼生已望君黃霸
寧久留

送張祕書充劉相公通汴河判官便赴江外覲省

前年見君時見君正泥蟠去年見君處見君已風搏朝
趨赤墀前高視青雲端新登麒麟閣適脫獬豸冠劉公
領舟楫汴水揚波瀾萬里江海通九州天地寬昨夜動
使星今旦送征鞍老親在吳郡令弟雙同官鱸膾剩堪
憶蓴羹殊可餐既參幕中畫復展膝下歡因送故人行
試歌行路難何處路最難最難在長安長安多權貴珂
佩聲珊珊儒生直如弦權貴不須干斗酒取一醉孤琴

為君彈臨岐欲有贈持以握中蘭

唐詩品彙卷十二

欽定四庫全書

唐詩品彙卷十三

明 高棟 編

五言古詩十三

名家

下之

劉長卿

唐高仲武云長卿有吏幹剛而犯上兩遭遷謫
皆自取之詩體甚能鍊飾大抵十首以上語意
稍同於落句尤甚
蓋思銳才窄也

從軍行五首

倚劍白日暮望鄉登戍樓北風吹羌笛此夜關山愁回
首不無意滹河空自流

回看虜騎合城下漢兵稀白刃兩相向黃雲愁不飛手
中無尺鐵徒欲突重圍

黃沙一萬里白首無人憐報國劍已折歸鄉身幸全單
千古臺下邊色寒蒼然

草枯秋塞下望見漁陽郭胡馬嘶一聲漢兵淚雙落誰

為吮瘡者此事今人薄

落日更蕭條北風捲枯草將軍追虜騎夜失陰山道戰
敗仍樹勲韓彭但空老

龍門雜詠八首

秋山日搖落秋水急波濶獨有魚龍氣長令煙雨寒誰
窮造化力空向兩崖看

山葉旁崖赤千峯秋色多夜泉發清響寒渚生微波稍

見沙上月歸人爭渡河

右水
東渡

寂寞對伊水經行長未還東流自朝暮千載空雲山唯

見白鷗鳥無心洲渚間

右福公塔

松路向清寺花龕歸老僧間雲隨錫杖落日低金繩入

夜翠微裏千峯明一鎗

右遠公龕

隱隱見危閣隔河映青林水田秋鴈下山寺夜鐘深寂

冥羣動息風泉清道心

右石樓

誰識往來意孤雲長自閒風寒未渡水日暮更看山木

落衆峯出龍宮蒼翠間

右下山

日暮下山來千山暮鍾發不知波上棹還弄山中月伊

水連白雲東南遠明滅

右渡水

伊水搖鏡光纖鱗如不隔千龕道傷古一鳥沙上白何

事還山雲能留向城客

右水西渡

送丘為赴上都

帝鄉何處是岐路空垂泣楚思暮愁多川程帶潮入潮
歸人不歸獨向空塘立

浮石瀨

秋月照瀟湘月明聞盪漿石橫晚瀨急水落寒沙廣衆
嶺猿嘯重空江人語響清暉朝復暮如待扁舟賞

幽琴詠上禮部侍郎

月色滿軒白琴聲宜夜闌泠泠七絃上靜聽松風寒古
調雖自愛今人多不彈為君投此曲所貴知音難

自番陽還道中寄褚徵君

南風日夜起萬里孤帆漾元氣連洞庭夕陽落波上故
人煙水隔復此遙相望江信久寂寞楚雲獨惆悵愛君

清川口弄月持棹唱白首無子孫一生自疎曠

石梁湖寄陸蕪

古人千里道滄洲十年別夜上明月樓相思楚天濶蕭
蕭清秋暮嫋嫋涼風發湖色淡不流沙鷗遠還滅煙波
日已隔音信日已絕歲晏空含情江臯綠芳歇

惠福寺與陳留諸官茶會得西字

到此機事遣自嫌塵網迷因知萬法幻盡與浮雲齊疎
竹映高枕空花隨杖藜香飄諸天外日隱雙林西傲吏

方見狎真僧，幸相攜能令歸。客意不復還，東溪

送賈侍御克復後入京

對酒心不樂，見君動行舟。西看暮帆隱，獨向空江愁。
晴雲淡初夜，春塘深漫流。溫顏風霜霽，素氣煙塵收。
馳目數千里，朝天十二樓。因之報親愛，白髮在滄洲。

別陳留諸官

戀此東道主，能令西上遲。徘徊暮郊別，惆悵秋風時。
上國邈千里，夷門難再期。行人望落日，歸馬嘶空陂。
不愧

寶刀贈唯懷瓊樹枝音塵倘未接夢寐徒相思

初至洞庭懷灞陵別業

長安邈千里日夕懷雙闕已是洞庭人猶看灞陵月誰
堪去鄉意親戚想天末昨夜夢中歸煙波覺來濶江皋
見芳草孤客心欲絕豈訝青春來但傷經時別長天不
可望鳥與浮雲沒

宿懷仁縣南湖寄東海荀處士

向夕斂微雨晴開湖上天離人正惆悵新月愁嬋娟佇

立白沙曲相思滄海邊浮雲自來去此意誰能傳一水
不相見千峯隨客船寒塘起孤鴈夜色分藍田時復一
迴首憶君如眼前

南楚懷古

南國久蕪沒我來空鬱陶君看章華宮處處生蓬蒿但
見陵與谷豈知賢與豪精魂托古木寶劍捐江臯倚棹
下晴景迴舟隨晚濤碧雲暮寥落湖上秋天高往事那
堪問此心徒自勞獨餘湘水上千載聞離騷

題蕭郎中開元寺新構幽寂亭

康樂愛山水賞心千載同
結茅依翠微伐木開朦朧
孤峯傷青霄一逕去不窮
候客石苔上禮僧祇樹中
曠然見滄洲自遠來清風
五馬留谷口雙旌薄煙虹
沈沈衆香積渺渺諸天空
獨往應未遂蒼生思謝公

陪元侍御遊支硎寺

支公去已久寂寞龍華會
古木閉空山蒼然暮相對
林巒非一狀水石有餘態
密竹藏晦明羣峯爭向背
峰峰

帶落日步步入青靄香氣空翠中猿聲暮雲外留連南
臺客想像西方內因逐溪水還觀心兩無礙

江中晚釣寄荆南一二相識

楚郭微雨收荆門遙在目漾舟水雲裏日暮春江綠霽
華靜洲渚暝色連松竹月出波上時人歸渡頭宿一身
已無累萬事便何欲漁父自夷猶白鷗不羈束既憐滄
浪水更愛滄浪曲不見眼中人相思心斷續

杪秋洞庭中懷亡道士謝太虛

漂泊日復日洞庭今更秋青楓亦何意此夜催人愁
惆悵客中月徘徊江上樓心知楚雲遠目送滄波流羽士
久已沒微言無處求空餘白雲在客與隨孤舟千里杳
難望一身常獨遊故園復何許江河徒遲留

桂陽西洲曉泊古橋村住人

洛陽離別久江上心可得惆悵增暮情瀟湘復秋色故
山隔何處落日羨歸翼滄海空自流白鷗不相識悲蛩
滿荆渚輟棹徒沾臆行客念寒衣主人愁夜織帝鄉片

雲去遙寄千里憶南路隨長天征帆杳無極

題王少府堯山隱處簡陸番陽

故人滄洲吏深與世情薄解印二十年委身在丘壑買
田楚山下妻子自耕鑿羣動心有營孤雲意無着因收
溪上釣遂接林中酌對酒春日長山村杏花落陸生番
陽令獨步建安作早晚休此官隨君永栖託

夕次儋石湖夢洛陽親故

天涯望不極日暮愁獨去萬里雲海空孤帆向何處寄

身煙波裏頗得湖山趣江氣和楚雲秋聲亂楓樹如何
異鄉縣日復懷親故遙與洛陽人相逢夢中路不堪明
月裏更值清秋暮倚棹對滄波歸心共誰語

京口懷洛陽舊居兼寄廣陵知己

川濶悲無梁藹然滄波夕天涯一飛鳥日暮南徐客氣
混京口雲潮吞海門石孤帆候風進夜色帶江白一水
阻佳期相思空默默那堪歲芳盡更使春夢積故國胡
塵飛遠山楚雲隔家人想何在庭草為誰碧惆悵空含

情滄浪有餘跡嚴陵七里灘攜手同所適

登栖霞寺塔

揚州

化塔凌空虛雄勢壓山澤亭亭楚雲外千里看不隔遙
對黃金臺浮輝亂相射盤梯接元氣半壁栖霞月魄稍登
諸劫盡若騁排雲翮向是滄洲人已為青雲客雨飛千
栱霽日落萬家夕鳥處高却低天涯遠如逼江雲入空
翠海嶠見微碧向暮期下來誰堪復行役

孫權故城下懷古兼送友人歸建業

雄圖爭割據神器終不守上下武昌城長江竟何有古
來壯臺榭事往悲陵阜寥落幾人家猶依數株柳威靈
絕想像蕪沒空林藪野逕春草中郊扉夕陽後逢君從
此去背楚方東走煙際指金陵潮時過盆口行人已何
在臨水空揮手惆悵不能歸孤帆沒雲久

歸油縣道中晚泊留侯城

訪古此城下子房安在哉白雲去不返危堞空崔嵬伊
昔楚漢時頗聞經濟才運籌風塵下能使天地開蔓草

日已積長松日已推功名滿青史祠廟唯蒼苔
百里暮程遠孤舟川上回進帆東風便轉岸前山
來楚水遠相引沙鷗閒不猜扣舷從此去延目仍徘徊

吳中聞潼關失守因寄淮南蕭判官

一鴈飛吳天羈人傷暮律松江風嫋嫋波上片帆疾木
落姑蘇臺霜收洞庭橘蕭條長洲外唯見寒山出胡馬
嘶秦雲漢兵亂相失關中因竊據天下共憂慄南楚有
瓊枝相思怨瑤瑟一身寄滄洲萬里看白日赴敵甘負

戈論兵勇投筆臨風但攘臂擇木將委質不如歸剡山
雲卧飽松栗

登東海龍興寺高頂望海簡演公

胸山壓海口永望開禪宮元氣遠相合太陽生其中豁
然萬里餘獨為百川雄白波走雷電黑霧藏魚龍變化
非一狀晴明分衆容煙開秦帝橋隱隱橫殘虹蓬島如
在眼羽人那可逢偶聞真僧言其與靜者同幽意頗相
愜賞心殊未窮花間午時梵雲外春山鐘誰念遽成別

自憐歸所從他時相憶處惆悵西南峯

題虎丘寺

青林虎丘寺林際翠微路仰見山僧來遙從飛鳥度茲
山淪寶玉千載唯丘墓埋劍人空傳鑿山龍已去捫蘿
披翳薈路轉夕陽處虎嘯崖谷寒猿鳴松杉暮徘徊北
樓上江海窮一顧日映千里帆鴉歸萬家樹暫因愜所
適果得捐外慮庭暗栖閒雲簷香滴甘露久迷空寂理
多為繁華故永欲托死生餘生豈能悞

自紫陽觀至華陽洞宿侯尊師草堂簡同遊李

延陵

石門媚煙景，句曲盤江甸。南向佳氣濃，數峰遙隱見。
漸臨華陽口，微路入蔥蒨。七曜懸洞門，五雲抱山殿。
銀函竟誰發，金液徒堪薦。千載空桃花，秦人深不見。
東溪喜相遇，貞白如會面。青鳥來去閒，紅霞朝夕變。
一從換仙骨，萬里乘飛電。蘿月延步虛，松花醉閒宴。
幽人即長往，茂宰應交戰。明發歸琴堂，知君懶為縣。

旅次丹陽郡遇康侍御宣慰召募兼別岑單父
客心暮千里迴首煙花繁
楚水渡歸夢春江連故園
羈人懷上國驕虜窺中原
胡馬暫為害漢臣多負恩
羽書晝夜飛海內風塵昏
雙鬢日已白孤舟心莫論
繡衣從北來汗馬宣王言
憂憤激忠勇悲歡動黎元
南徐爭赴難發卒如雲
屯倚劍看太白洗馬臨海門
故人亦滄洲少別堪傷魂
積翠下京口歸潮落山根
如何天外帆又此波上尊
空使憶君處鶯聲催淚痕

錢起

高仲武云員外詩格新奇理致清贍粵從登第
挺冠詞林芟齊宋之浮游削梁陳之靡緩迥然
獨立莫之與羣 夷白堂小集云錢考功詩世
所載本多不同宋次道舊有五弓王仲至續為
八弓疏為最完然如牛羊上山小煙火隔雲深
鳥道挂疎雨人家殘夕陽窮達總明主耕桑亦
近郊長樂鍾聲花外盡龍池柳色雨中深等句
皆當時相傳為警絕而八弓中無之知其所遺
者多矣

酬王維春夜竹亭贈別

山月隨客來主人興不淺今宵竹林下誰覺花源遠惆

悵曙鶯啼孤雲還絕巘

送李協律還東京

芳草忽無色王孫復入關
長河侵驛道足馬傷雲山
愁見離居夕螢飛秋月閒

過桐栢山

秋風過楚山山靜秋聲晚
賞心無定極仙步亦清遠
反照雲竇空寒流石苔淺
羽人昔已去靈跡欣方踐
投策謝歸途世緣從此遣

夢尋西山準上人

別處秋泉聲至今猶在耳何當夢魂去不見雪山子
新月隔林時千鎗翠微裏言忘心更寂跡滅雲自起
覺來纓上塵如洗功德水

登勝果寺南樓雨中望嚴協律

微雨侵晚陽連山半藏碧林端陟香榭雲外遲來客
孤村凝片煙去水生遠白但佳川原趣不覺城池夕
更喜眼中人清光漸咫尺

冬夜題旅館

退飛憶林藪樂業羨黎庶四海盡窮遠一枝無宿處嚴
冬北風急中夜哀鴻去孤燭思何深寒牕坐難曙勞歌
侍明發惆悵盈百慮

早渡伊川見舊作

昆鷄鳴曙霜秋水寒旅涉漁人昔鄰舍相見具舟楫出
浦興未盡向山心更愜村落通白雲茅茨隱紅葉東臯
滿時稼歸客欣復業

登覆釜山遇道人

真氣重嶂裏知君嘉遁幽山階壓丹穴藥井通湫流道人帶經出洞中携我遊欲驂白蜺去且為紫芝留忽憶武陵事別家疑數秋

東臯早春寄郎四校書

祿微賴學稼歲起歸衡茅窮達戀明主耕桑亦近郊

高仲

武云禮義克全忠孝兼著

夜來霽山雪陽氣動林梢萌蕙暖初吐春

鳩鳴欲巢蓬萊時入夢知子憶貧交

送王季友赴洪州幕下

列郡皆用武南征所從誰諸侯重才畧見子如瓊枝撫
劍感知已出門方遠辭煙波帶幕府海日生紅旗問我
何功德負恩留玉墀銷魂把別袂愧爾酌明時

太子李舍人城東別業與二三文友避暑

下馬失炎暑重門深綠篁宮臣禮嘉客林表開蘭堂茲
夕興難盡澂壘照墨場東陵晚來好目極趣何長鳥道
挂疎雨人家殘夕陽城隅擁歸騎留醉戀羣芳

登秦嶺半巖遇雨

屏翳忽騰氣浮陽慘無暉
千峯挂飛雨百尺搖翠微
震電閃雲徑奔流翻石磯
倚巖假松蓋臨水羨荷衣
不得采苓去空思乘月歸
且憐東臯上黍色侵荆扉

杪秋南山西峯題準上人蘭若

向山看霽色步步豁幽性
反照亂流明寒空千嶂淨
石門有餘好霞殘月欲映
上詣遠公廬孤峯懸一徑
雲裏隔牕火松間下山磬
客到兩忘言猿心與禪定

藍溪休沐寄趙八給事

蟲鳴歸舊里田野秋農閒
即事敦夙尚衡門方再闢
夕陽入東籬爽氣高前山
霜蕙後時老巢禽知暝還
侍臣黃樞寵鳴玉青雲間
肯想觀魚處寒泉照髮斑

遊輞川至南山寄谷口王十六

山色不厭遠我行隨趣深
蹟幽青蘿逕思絕孤霞岑
獨鶴引過浦鳴猿呼入林
褰裳百泉裏一步一清心
王子在何處隔雲雞犬音
折麻定延佇乘月期招尋

藍田溪與漁者宿

獨遊屢忘歸况此隱淪處濯髮清冷泉月明不能去更
憐垂綸叟靜若沙上鷺一論白雲心千里滄洲趣蘆中
夜火盡浦口秋山曙歎惜分枝禽何時更相遇

田園雨後贈鄰人

安排常任性偃卧晚開戶樵客荷蓑歸向來春山雨殘
雲虹未落返照霞初吐時鳥鳴村墟新泉達林圃堯年
尚恬泊鄰里成太古室邇人遂遙相思怨芳杜

秋夜作

萬計各無成寸心日悠漫浮生竟何窮巧厯不能筭流
落四海間辛勤百年半商歌向秋月哀韻兼浩歎寤寐
怨佳期美人隔霄漢寒雲度窮水別業繞垂幔牕中問
談雞長夜何時旦

李祭酒別業俯視川林前帶雷岫

南山轉羣木昏曉擁山翠小澤近龍居青蒼常雨氣君
家北原上千金買勝事丹闕退朝迴白雲迎賞至新晴

村落外處處煙景異片水明斷崖餘霞入古寺東臯指
歸翼月盡有餘意

東城初陷與薛員外王補闕暝投南山佛寺

日昃石門裏松聲山寺寒香雲空靜影定水無驚湍洗
足解塵纓忽覺天形寬清鐘揚虛谷微月深重巖噫我
朝露世翻浮與波瀾行運遘憂患何緣親盤桓庶將鏡
中象盡作無生觀

過瑞龍觀道士

不知誰氏子鍊魄家洞天鶴侍成丹日人尋種杏田靈
山含道氣物性皆自然白鹿顧瑞草驪龍蟠玉泉得茲
象外趣便割區中緣石竇采雲母霞堂陪列仙主人善
止客柯爛忘歸年

奉使採箭幹竹谷中晨興赴嶺

孤客倦夜坐聞猿乘早發背溪已斜漢登棧尚殘月重
峯轉森爽幽步更超越雲木聳鶴巢風蘿掃虎穴人羣
徒自遠世役終難歇入山非買山採竹異採蕨誰見子

牟意怕勞書魏闕

仲春晚尋覆釜山

蝴蝶弄和風飛花不知晚
王孫尋芳草步步忘路遠
況我愛青山涉趣皆遊踐
縈迴必中路陰晦陽復顯
古岸生新泉霞峯映雪巘
交枝花色異奇石雲根淺
碧洞志志歸紫芝行可蹇
方嗤嵇叔夜林臥正沈湎

詔許昌崔明府拜補闕

儒者久營道詔書方問賢
至精一耀世高步誰同年
何

樹可栖鳳高梧枝拂天脫身鳬鳥裏載筆虎闡前日月
傳軒后衣冠真列仙則知驪龍珠不秘清泠泉才子貧
難見郢歌空復傳惜哉效顰客心想勞嫵娟

尋華山雲臺觀道士

秋日西山明勝趣引孤策桃源數曲盡洞口兩岸拆還
從罔象來忽得仙靈宅霓裳誰之于霞酌能止客殘陽
在翠微携手更登歷林行拂煙雨溪望亂金碧飛鳥下
天牕裏松際雲壁稍尋壺蹤遠窅入寥天寂願言葛僊

翁終年鍊玉液

海上卧疾寄王臨

離客窮海陰蕭辰歸思結一隨浮雲滯幾怨黃鵠別妙
年即沈疴生事多所闕劍中負明義枕上惜玄髮之子
良史才華簪偶時哲相思千里道愁望飛鳥絕歲暮冰
雪寒淮湖不可越百年去心慮孤影守薄劣獨餘暮侶
情金石無休歇

長安客舍贈李行父明府

藏器偶時少知人自古難遂令丹穴鳳晚食金琅玕誰
謂兵戈際鳴琴方一彈理煩善用簡濟猛能兼寬夙夜
念黎庶寢興非晏安洪波未靜壑何樹不驚鸞鳧爲傷
京輦毗心懸灌壇高槐暗苦雨長劍生秋寒旅食還爲
客饑年亦盡歡親勞携斗水往往救泥蟠但恐酬明義
蹉跎芳歲闌

歸義寺題震上人壁

寺即神堯皇帝讀書之
所龍飛後創爲精舍矣

八谷逢雨花香綠引幽步招提遶泉石萬轉同一趣向

背森碧峯淺深羅古樹堯皇未登極此地曾隱霧祕議
得神謀因高思虎踞太陽忽臨照物象俄光照梵王宮
始開長者金先布白水入禪境礪山通覺路往往無心
雲猶起潛龍處仍聞七祖後佛子繼調御溪馬投慧鐙
山蟬飽甘露不作解纓客寧知捨筏喻身世已悟空歸
途復何去

唐詩品彙卷十三

欽定四庫全書

唐詩品彙卷十四

明 高棟 編

五言古詩

名家

下之二

韋應物

白樂天云蘇州歌行才麗之外頗近興諷其五言詩又高雅閑淡自成一家之體今之秉筆者誰能及之然當蘇州在時人亦未甚愛重必待身後然後貴之李肇國史補云為性高潔鮮

欽定四庫全書

卷十四

食寡欲所居焚香掃地而坐其為詩馳驟建安以還各得風韻蘇東坡云蘇李劉曹謝陶固已至矣李杜以絕世之資凌跨百代後之詩人繼出而才不逮意獨韋應物柳子厚發纖穠於簡古寄至味於澹泊非餘子所及也朱晦菴語錄云蘇州高於王維孟浩然諸人以其無聲色臭味也又云其詩無一字造作直是自在氣象近道方虛谷云世言韋柳韋詩淡而緩柳詩峭而勁同而異也劉須溪云韋應物居官自愧閑閑有恤人之心其詩如深山採藥飲泉生石日晏忘歸又云韋詩潤者如石而孟詩如雪雖淡無米色不免有輕盈之意劉又云誦韋蘇州一二語高處有山泉極品之味

有所思

借問堤上柳青青為誰春空遊昨日地不見昨日人
繞萬家井往來車馬塵莫道無相識要非心相親
劉云逢春感興此等語不會絕但澹味又別也

相逢行

二十登漢朝英聲邁今古適從東方來又欲謁明主
猶酣新豐酒尚帶灞陵雨邂逅兩相逢別來問寒暑
寧知白日晚暫向花間語忽聞長樂鐘走馬東西去
劉云極似愜意

又似鬼語

廣陵行

雄藩鎮楚郊地勢鬱嵒嵒雙旌擁萬戟中有霍嫖姚海
雲助兵氣寶貨益軍饒嚴城動寒角晚騎踏霜橋翕習
英豪集振奮士卒驍列郡何足數趨拜等畧寮日晏方
云罷人逸馬蕭蕭忽如京洛間遊子風塵飄歸來視寶
劍功名非一朝

行行重行行

辭君遠行邁飲此長恨端已謂道里遠如何中險艱流

水赴大壑孤雲還莫山無情尚有歸行子何獨難驅車

背鄉國朔風卷行跡

劉云此卷此背言之可傷

嚴冬霜斷肌日入不

遑息憂歡容鬢改寒暑人事易中心君詎知冰玉徒貞

白

古別離多矣此作更古者以其有清淨自然之美如秋雨曠野自難為懷批語無姓氏者係劉須溪評

後傲此

青青河畔草

黃鳥何關關幽蘭亦靡靡此時深閨婦日照紗窻裏

必不

深切而辭情適可人不能道而點綴搜索自無以加

娟娟雙青蛾微微啓玉齒自

惜桃李年誤身遊俠子無事久別離不知今生死

柔腸欲無

而有不可犯之色 吾舊評此詩云意深而語淺又云結語沈痛傷懷而不為妖傷怨曠之態如此而已

西北有高樓

綺樓何氤氲朝日正杲杲四壁含清風丹霞射其牖玉

顏正哀轉絕耳非世有但感離恨情不知誰家婦孤雲

忽無色邊馬為迴首曲絕碧天高餘聲散秋草裊徊惟

中意獨夜不堪守思逐朔風翔一去千里道

別是清麗超凡入聖

可望而不可即者末極尋常以古調
吾舊評此詩云淡而綺綺而不煩

庭前有奇樹

嘉樹藹初綠，蘼蕪吐幽芳。君子不在賞，寄之雲路長。路

長信難越，惜此芳時歇。孤鳥去不還，緘情向天末。

常言
常語

枯淡
欲無

明月皎夜光

月滿秋夜長，驚鳥號北林。天河橫未落，斗柄當西南。寒
蛩悲洞房，好鳥無遺音。商飈一夕至，獨宿懷重衾。舊交

日千里，隔我如浮沈。人生豈草木，寒暑移此心。

月滿秋
夜長但

欽定四庫全書

卷十四

摘一語誰不知是蘇州之妙然得之全篇甚難
非嘗偏閱不知此編具眼變化後來始發此例

凜凜歲云暮

春至林木變洞房夕含清單居誰能裁好鳥對我鳴良
人久燕趙新愛移平生別時雙鴛綺留此千恨情碧草
生舊跡綠琴歇芳聲思將魂夢歡反側寐不成攬衣迷
所次起望空前庭孤影中自惻不知雙涕零

單居兩語
流動自然

復非苦吟所及未意耿耿
情性適然不假外物而見

客從遠方來

有客天一方寄我孤桐琴迢迢萬里隔託此傳幽音冰
霜終自結龍鳳相與吟絃以勗直道漆以固交深

明月何皎皎

白日淇上沒空閨生遠愁寸心不可限淇水長悠悠芳
樹自妍芳春禽自相求裴徊東西廂孤妾誰與儔年華
逐絲淚一落俱不收

不言不笑情景甚真但
覺麗情綺語皆不足道

效陶彭澤

霜落悴百草時菊獨妍華物性有如此寒暑其奈何

兩語

似達似
怨甚好

掇英汎濁醪日入會田家盡醉茅簷下一生豈

在多

蘇州詩去陶自近至效陶則復取王夷甫
語用之故知晉人無不有風致可愛也

與友生野飲效陶體

攜酒花林下前有千載墳於時不共酌奈此泉下人始

自玩芳物行當念徂春聊舒遠世蹤坐望還山雲且遂

一歡笑焉知賤與貧

含章體素
默合自然

燕居即事

蕭條竹林院風雨叢蘭折幽鳥林上啼青苔人跡絕燕

居日已永夏木紛成結几閣積羣書時來北窓閒

句句實狀

秋夜

晚窓涼葉動秋天寢席單憂人半夜起明月在林端

何必

思索洞見本懷

一與清景遇每憶平生歡如何方惻愴披衣露

更寒

幽居

貴賤雖異等出門皆有營獨無外物牽遂此幽居情微
雨夜來過不知春草生青山忽已曙鳥雀繞舍鳴時與

道人偶或隨樵者行自當安蹇劣誰謂薄世榮

古調本
色微雨

一聯似亦以
癡得之也

野居

結髮屢辭秩立身本踈慢今得罷守歸幸無世欲患棲
止但偏僻嬉遊無早晏逐兔上坡崗捕魚緣赤澗高歌
意氣在貰酒貧居慣時啟北窓扉豈將文墨間

雜體二首

沉沉匣中鏡為此塵垢蝕輝光何所如月在雲間黑南

金旣雕錯顰帶共輝飾空存鑑物明坐使媼妍惑美人
竭肝膽思照冰玉色自非磨瑩功日日空嘆息

其意正平而朴

素可尚非無衍
麗靜且不慘

同聲自相應體質不必齊誰知賈人鐸能使大樂諧鏗
鏘發宮徵和樂變其哀人神既昭享鳳鳥亦不來豈非
至賤物一奏升天階物情苟有合莫問玉與泥

高云此用人之

度也宛轉發
越隱約可恨

南塘汎舟會元六昆季

端居倦時燠輕舟泛迴塘微風飄襟散橫吹繞林長雲
淡水容夕雨微荷氣涼一寫惓勤意寧用訴華觴

春宵燕萬年吉少府中孚南館

始見斗柄迴復茲霜月霽河漢上縱橫春城夜迢遞

不獨

閑靜氣聚
又閑可諷

賓筵接時彥樂宴凌芳歲稍愛清觴滿仰嘆

高文麗欲去返郊扉端為一歡滯

扈亭西陂燕賞

杲杲朝陽時悠悠清陂望嘉樹始氤氲春遊方浩蕩汎

逢文翰侶愛此孤舟漾綠野際遙波橫雲分疊嶂公堂
日為倦幽襟自茲曠有酒今滿盈願君盡弘量

淺語流動稱情

西郊燕集

濟濟衆君子高燕及時光羣山藹遐矚綠野布熙陽列
坐遵曲岸披襟襲蘭芳野庖薦嘉魚激澗泛羽觴衆鳥
鳴茂林綠草延高崗盛時易徂謝浩思坐飄揚眷言同
心友茲遊安可忘

移疾會詩客元生與釋子法朗因貽諸曹

欽定四庫全書

唐詩品彙
卷十四

對此嘉樹林獨有戚戚顏抱瘵知曠職淹旬非樂閒釋
子來問信詩人亦扣關道同意暫遣客散疾徐還園徑
自幽靜玄蟬噪其間高窓瞰遠郊暮色起秋山英曹幸
休暇恨恨心所攀

寄全椒山中道士

容齋隨筆云此篇高妙超詣
固不容誇說而結句非語言

思索可得東坡
依韻遠不及

今朝郡齋冷忽念山中客澗底束荆新歸來煮白石欲
持一樽酒遠慰風雨夕落葉滿空山何處尋行跡

其詩
自多

此景意及得
意如此亦少

寄裴處士

春風駐遊騎晚景淡山暉
一問清冷子獨掩荒園扉
草木雨來長里閭人到稀
方從廣陵燕花落未言歸

秋夜南宮寄澧上弟及諸生

暝色起烟閣沉抱積離憂
汎茲風雨夜蕭條梧葉秋
空宇感涼至頽頽驚歲週
日夕遊闕下山水憶同遊

春日郊居寄萬年吉少府中孚三原盧少府偉

夏侯校書審

谷鳥時一嚙
出園春雨餘
光風動林早
高窓照日初
獨飲澗中水
吟咏老氏書
城闕應多事
誰憶此閒居

寺居獨夜寄崔主簿

幽人寂不寐
木葉紛紛落
寒雨暗深更
流螢度高閣
坐使青燈曉
還傷夏衣薄
寧知歲方晏
離居更蕭索

獨遊西齋寄崔主簿

同心忽已別
昨事方成幽
逕還獨尋綠
苔見行跡

蕭然

今皆之感秋齋正蕭散烟水易昏夕憂來結幾重非君不可

釋

初發楊子寄元大校書

悽悽去親愛泛泛入烟霧

至濃至淡便是蘇州筆意

歸棹洛陽人殘

鐘廣陵樹今朝此為別何處還相遇世事波上舟公洄
安得住

淮上即事寄廣陵親故

前舟已渺渺欲度誰相待秋山起暮鐘楚雨連滄海

好句

欽定四庫全書

卷十四

風波離思滿宿昔容鬢改

兩語足以極初別之懷

獨鳥下東南廣陵

何處在

偶然景偶然語亦不可再得

同德寺雨後寄元侍御李博士

川上風雨來須臾滿城闕
苔蘚青蓮界蕭條孤興發
前山遽已淨陰靄夜來歇
喬木生夏涼流雲吐華月
巖城自有限一水非難越
相望曙河遠高齋坐超忽

善福精舍示諸生

湛湛嘉樹陰清露夜景沈
悄然羣物寂高閣似陰岑
方

以玄默處豈為名跡侵法妙不知歸獨此抱冲襟齋舍
無餘物陶器與單衾諸生時列坐共愛風滿林

甚有佳致可誦

高陵書情寄三原盧少府

直方難為進守此微賤班開卷不及顧沉埋案牘間兵
凶久相踐徭賦豈得閒促戚不可哀寬政身致患日夕
思自退出門望故山君心倘如此攜手相與還

城中卧疾知闔薛二子屢從邑令飲以贈之

車馬日蕭蕭胡不往我廬方來從令飲卧病獨何如秋

風起漢臯開戶望平蕪即此稀音素焉知中密疎渴者
不思火寒者不求水人生羈寓時去就當如此猶希心
異跡眷眷存終始

真素惻歎亦
今人所羞道

寄盧庾

悠悠遠離別念此歡會難如何兩相近反使心不安亂
髮思一櫛垢衣思一浣豈如望友生對酒起長歎時節
異京洛孟冬天未寒廣陵多車馬日夕自遊盤獨我何
耿耿非君誰為歡

閒居贈友

補吏多不遷罷歸聊自度園廬多蕪沒煙景空淡薄閒
居養痾瘵守素甘葵藿顏鬢日衰耗冠帶亦褰落青苔
已生徑綠筠始分籜夕氣下遙陰微風連疏薄草玄良
見誚杜門無清託非君好事者誰能顧寂寞

園林晏起寄昭應韓明府廬主簿

田家已耕作井屋起晨煙園林鳴好鳥閒居猶獨眠不
覺朝已晏起來望青天四體一舒散情性亦欣然還復

欽定四庫全書



卷十四

茅簷下對酒思數賢東帶理官府簡牘盈目前當念中
林賞覽物徧山川士非遇明世庶以道自全

京師叛亂寄諸弟

弱冠遭世難二紀猶未平羈離官遠郡虎豹滿西京上
懷犬馬戀下有骨肉情歸去在何時流淚忽沾纓憂來
上北樓左右但軍營函谷行人絕淮南春草生鳥鳴野
田間思憶故園行何當四海晏甘與齊民耕

寄馮著

春雷起萌蟄土壤日已疎胡能遭盛明才俊伏里閭偃
仰遂真性所求唯斗儲披衣出茅屋盟漱臨清渠吾道
亦自適退身保玄虛幸無職事牽且覽案上書親友各
馳騫誰當訪弊廬思君在何夕明月照廣除

四禪精舍登覽悲舊寄朝宗巨川兄弟

蕭散人事憂迢遞古原行春風日已暄百草亦復生躋
閣謁金像攀雲造禪局新景林際曙雜花川上明徂歲
方緬邈陳事尚縱橫溫泉有佳氣馳道指京城攜手思

故日山河留恨情存者邈難見去者已冥冥臨風一長
慟誰畏行路驚

暮相思

朝出自不還暮歸花盡發豈無終日會惜此花間月空

館忽相思微鐘坐來歇

只結句十字神意悄然得於實境尋其上四語則頃刻不能爲

懷故題曰暮相思彼何知作者用心苦耶

春中憶元二

雨歇萬井春柔條已含綠徘徊洛陽陌惆悵故人曲遊

絲正高下啼鳥還斷續有酒今不同思君瑩如玉

讀蘇州詩

如讀道書

池上懷王卿

幽居捐世事佳雨散園芳入門藹已綠水禽鳴春塘重
雲始成夕忽霽尚微陽輕舟因風汎郡閣望蒼蒼私燕
阻外好臨歡一停觴茲遊無時盡旭日願相將

夏夜憶盧嵩

藹藹高館暮開軒滌煩襟不知湘雨來蕭灑在幽林炎

月得涼夜芳樽誰與斟故人南北居累月間徽音人生
無閒日歡會當在今反側候天旦層城苦沈沈

苦語不自覺

答崔主簿

朗月分林藹遙歌動離聲故歡良已阻空雨淡無情窈
窕雲雁沒蒼茫河漢橫蘭章不可得沖襟徒自盈

酬廬嵩秋夜見寄

喬木生夜涼月華滿前墀去君咫尺地勞君千里思素
秉棲遁志況貽招隱詩坐見林木榮願赴滄洲期何能

待歲晏攜手當此時

盧詩云歲晏以為期

答李博士

休沐去人遠高齋出林杪
晴山多碧峯顯氣凝秋曉
端居喜良友枉使千里路
緘書當夏時問緘時已度
簷雖已飄颺荷露方蕭颯
夢遠竹牕幽行稀蘭徑合
舊居共南北往來只如昨
問君今爲誰日夕度清洛

答楊奉禮

多病守山郡自得接嘉賓
不見三四日曠若十餘旬
臨

觴獨無味對榻已生塵一詠舟中作灑雪忽驚新煙波
見栖旅景物具昭陳秋塘唯落葉野寺不逢人白事廷
吏簡閒居文墨親高天池閣靜寒菊霜露頻應當整孤
棹歸來展殷勤

答間奴重陽二甥

間奴趙氏生仇
重陽崔氏生璠

棄職曾守拙玩幽遂忘喧山磴依磽确竹樹蔭清源貧
居煙火濕歲熟梨棗繁風雨飄茅屋蒿草沒瓜園羣屬
相歡悅不覺過朝昏有時看禾黍落日秋原飲酒任

真性揮筆肆狂言一朝忝蘭省三載居遠藩復與諸第
子篇翰每相敦西園休習射南池對芳尊山藥經雨碧
海榴凌霜翻念爾不同此悵然復一論重陽守故家個
子旅湘沅俱有緘中素惻惻動離魂不知何日見衣上
淚空存

長安遇馮著

客從東方來衣上灞陵雨問答何爲來采山因買斧冥
冥花正開颺颺燕新乳昨別今已春鬢絲生幾縷

不能
詩者

亦知

是好

廣陵遇孟九雲卿

雄藩本帝都遊士多俊賢
夾河樹鬱鬱華館千里連
新知雖滿堂中意頗未宣
忽逢翰林友歡樂斗酒前
高文激潏波四海靡不傳
西施且一笑衆女安得妍
明月滿淮海哀鴻逝長天
所念京國遠我來君欲還

逢楊開府

少事武皇帝無賴恃恩私
身作里中橫家藏亡命兒

縷縷

如不自惜，寫得俠氣動盪。見者偏憐。太白亦云：托身白刃裏，殺人紅塵中。朝持擣捕局，暮竊

東鄰姬。司隸不敢捕，立在白玉墀。驪山風雪夜，長楊羽獵時。一字都不識，飲酒肆頑癡。武皇升仙去，憔悴被人

欺。讀書事已晚，把筆學題詩。兩府始收跡，南宮謬見推。

雜出於未然。非才果不容，出守撫甄發。忽逢楊開府，論正是校僧。

舊涕俱垂坐，客何由識惟。有故人知多，收拾慘愴，自不在

仗。逼真舊人詩話，至以爲不類。蘇州平生不知其沈著，轉換正在武皇升仙起興，能令讀者墮淚。

送鄭長源

少年一相見飛轡河洛間歡遊不知罷中路忽言還冷
泠鵲絃哀悄悄冬夜闌丈夫雖耿介遠別多苦顏君行
拜高堂速駕難久攀雞鳴儔侶發朔雪滿河關須臾在
今夕尊酌且循環

送李儋

別離何從生乃在親愛中

起十字
自好

反念行路子拂衣自西

東日晨不留宴嚴車出崇墉行遊非所樂端憂道未通
春野百卉發清川思無窮芳時坐離散世事誰可同歸

當掩重闕默默想音容

天長寺上方別子西有道

時任京兆府功曹攝
高陵宰別田曹盧康

戶曹韓質

因而有作

假邑非拙素況乃別伊人聊登釋氏居攜手戀茲晨高
曠出塵表逍遙滌心神青山對芳苑列樹遶通津車馬
無時絕行子倦風塵今當遵往路佇立欲何伸唯持貞
白志以慰心所親

留別洛京親友

握手出都門，駕言適京師。豈不懷舊廬，惆悵與子辭。
麗日坐高閣，清觴宴華池。昨遊倏已過，後遇良未知。
念結路方永，歲陰野無暉。單車我當前，暮雪子獨歸。
臨流一相望，零淚忽沾衣。

上東門會送李幼舉南遊徐方

離絃既罷彈，尊酒亦已闌。聽我歌一曲，南徐在雲端。
雲端雖云邈，行路本非難。諸侯皆愛才，公子遠結歡。
濟濟都門燕，將去復盤桓。令姿何昂昂，良馬遠遊冠。
意氣相

為別由來非所歎

餞雍聿之潞州謁李中丞

鬱鬱兩相遇出門草青青
酒酣拔劍舞慷慨送子行
驅馬涉大河日暮懷洛京
前登太行路志士亦未平
薄遊五府都高步振英聲
主人才且賢重士百金輕
絲竹促飛觴夜燕達晨星
娛樂易淹暮諒在執高情

送令狐岫宰恩陽

大雪天地閉羣山夜來晴
居家猶苦寒子有千里行
行行

行安得辭荷此蒲壁榮賢豪相追攀飲餞出西京尊酒
豈不歡暮春自有程離人起視日僕御從前征遶蛇歲
月窮當造已子城和風被草木江水日夜清從來知善
政離別慰友生

燕別幼遐與君貺兄弟

乖闕意方弭安知忽來翔累日重歡燕一旦復離傷置
酒慰茲夕秉燭坐華堂契闊未及展晨星出東方征人
慘已辭車馬儼成裝我懷自無歡原野滿春光羣水含

時澤野雉鳴朝陽平生有壯志不覺淚沾裳況自守空

宇日夕但彷徨

曲折情景甚至

送李十四山東遊

豈非太白耶
太白李十二

聖朝有遺逸披膽謁至尊豈是買榮寵誓將救元元權

豪非所便書奏寢禁門高歌長安酒忠憤不可吞

善道人意

高處欵來客河洛日與靜者論濟世翻小事丹砂駐精魂

此非太白
不能當

東遊無復繫梁楚多大藩高論動侯伯疎懷

脫塵喧送君東門野飲我林中尊立馬望東道白雲滿

梁園踟躕欲何贈空是平生言

送馮著受李廣州署為錄事

鬱鬱楊柳枝蕭蕭征馬悲送君灞陵岸糾郡南海湄名
在翰墨場羣公正追隨如何從此去千里萬里期大海
吞東南橫嶺隔地維建邦臨日域溫燠御四時百國共
臻泰珍奇獻京師富豪虞興戎繩墨不易持州伯荷天
寵還當翊丹墀子為門下生終始豈見遺所願酌貪泉
心不為磷緇上將酬國士下以報渴饑

始除尚書郎別善福精舍

簡畧非世器委身同草木逍遙精舍居飲酒自為足累
日曾一櫛對書常懶讀社臘會高年山川恣遠矚明世
方選士中朝懸美祿除書忽到門冠帶便拘束愧忝郎
署跡謬蒙君子錄俯仰垂華纓飄颻翔輕轂行將親友
別戀此西澗曲遠峯明夕川夏雨生衆綠迅風飄野路
迴首不遑宿明晨下煙閣白雲在幽谷

欽定四庫全書

唐詩品彙
卷十四

唐詩品彙卷十四